

nachbeschriebene End/ vnserer Regierung leiste/
vnd wann solches von jme geschehen/ sol nicht al-
lein der Advocat, ihme vmb sonst zu dienen / ver-
pflichtet sein/ Sondern Er auch mit allen andern
Sportuln vnd Gerichtsgebür/ verschonet werden/
Es were dann etwa eine solche sache/ darinnen ei-
nen / vermüge der Rechte / sein Gegentheil zur
Rechtfertigung zuuerlegen schuldig were / Als/
wann ein armer einen der alimenten halben / so
derselbe ihme zugeben schuldig sein sol / belange-
te/ oder wann er einen ehlicher gütter halben/ als
ob sie ihme zum theil / oder gar zu gehöreten/ be-
klagte/ vnd hette scheinliche vermutunge für sich/
das sich seinem fürgeben nach / verhielte/ Dan/
weil sich der arme in solchen fellen der vnkosten
bey dem beklagten zuerholen / ist der Advocat
ihme vmb sonst zu dienen nicht schuldig / Jedoch
sol er auch in denen fellen / seine sache so lang oh-
ne entgeld treiben/ bis dem gegentheil/ den armen
mit vnkosten zuuersehen/ auferlegt werde.

End des Advocaten der Armen.

D

Zch